



3.6 Gambaran Keseluruhan Frog VLE untuk Pelajar (Pengguna: Pelajar)

3.6 Overview of Frog VLE for Students (User: Student)

educate. inspire. learn. discover.

Gambaran Keseluruhan Frog VLE untuk Pelajar

TUGASAN:

Memberi gambaran keseluruhan Frog VLE untuk pelajar.

OBJEKTIF:

Untuk memastikan pengguna mempunyai pemahaman umum mengenai fungsi Frog VLE serta dapat menggunakan Frog VLE dengan baik.

TEMPOH MASA:

20 minit

BAHAN YANG DIPERLUKAN:

- VIDEO 3.6 – **Gambaran Keseluruhan Frog VLE untuk Pelajar**
- Komputer
- Papan putih
- Pen dan buku nota
- Projektor

TATACARA:

1. PENGENALAN

Frog adalah VLE yang dipilih bagi projek 1BestariNet. Frog mempunyai fungsi sebagai komuniti pembelajaran bagi seluruh warga sekolah.

Persekitaran Pembelajaran Maya Frog, atau lebih dikenali sebagai Frog VLE ialah satu sistem pembelajaran berdasarkan jaringan yang menyerupai dunia pembelajaran sebenar dengan mengintegrasikan konsep pendidikan konvensional dengan kaedah pembelajaran maya. Sebagai contoh, guru-guru dapat memberi tugas, ujian dan menyemak tugas secara maya, sementara pelajar dapat menghantar tugas serta menyemak markah menerusi VLE.

Para guru dan pelajar boleh mengakses berita sekolah dan dokumen penting yang telah dikemaskinikan oleh pentadbir sekolah. Menerusi Frog VLE dan sambungan internet 4G, pendidikan boleh dilaksanakan di mana jua, pada bila-bila masa melalui Frog VLE yang berasaskan 'cloud'. Dengan ini, pembelajaran boleh dilaksanakan di sekolah ataupun di rumah mahupun di mana-mana, 24 jam sehari, 7 hari seminggu.

2. OBJEKTIF

Untuk memastikan bahawa pengguna memahami fungsi-fungsi utama pada Frog VLE.

3. LOG MASUK KE DALAM VLE

Memberi arahan kepada peserta untuk log masuk ke dalam VLE.

4. VIDEO – Gambaran Keseluruhan Frog VLE untuk Pelajar

Memainkan video dan berhentikan video seketika dan beri penerangan jika perlu.

5. SESI IMBASAN

Mengimbas kembali apa yang dipelajari oleh para peserta dan faedah penggunaan Frog VLE.

Panduan Pengguna

Antara Muka (Interface) Frog VLE

Klik pada butang **Get started** untuk log masuk ke dalam Frog VLE. Masukkan ID Pengguna dan kata laluan apabila diminta.

Penting! Adalah penting untuk log keluar daripada akaun Google lain sebelum log masuk ke dalam Frog VLE. Jika ini tidak dilakukan, pengguna baru tidak boleh log masuk ke dalam Frog VLE.



Antara muka (Interface) Frog VLE direka bagi memudahkan penggunaan Frog. Penerangan bagi fungsi ikon serta kegunaannya akan diberikan pada bahagian yang seterusnya.

Frog Bar



Frog Bar adalah kawasan tetap di bahagian atas skrin Frog VLE yang memberikan akses kepada **System Options**, *Dashboard* dan Menu VLE. *Frog Bar* tidak boleh dipadam.

Dari kiri ke kanan, *Frog Bar* mengandungi elemen-elemen seperti berikut:


Menu Frog Head



Menu *Frog Head* memberi akses yang pantas untuk melihat ruangan **System Options** VLE. Ia mengandungi:

- **Help** – Bantuan umum VLE. Anda boleh mendapatkan jawapan untuk soalan lazim di sini.
- **Preferences** – Anda boleh mengubah tetapan asas VLE di sini. Pilihan-pilihan tersebut terdiri daripada:
 - **Language**
 - **Set Background** – Memberi anda pilihan satu imej daripada senarai yang ada untuk menetapkan latar belakang Frog VLE anda.
- **Log Out** – Membenarkan anda log keluar dari VLE selepas penggunaan.

Help



Butang **Help** akan memaparkan bantuan yang berkaitan dengan kawasan VLE yang sedang dipaparkan. Jika **General Help** tidak dapat memberikan jawapan yang sesuai kepada permasalahan anda, anda boleh menjalankan satu carian di ruangan **Help** untuk mendapatkan dokumen-dokumen bantuan. Pautan ke **Community Site** yang bersesuaian akan dipaparkan di samping hasil carian anda.

Dashboard Switch



Dengan menekan butang kursor, anda akan beralih dari laman *Dashboard* Peribadi ke *Dashboard* Sekolah dan sebaliknya.

Global Search Box



Jika suatu aplikasi sedang aktif, pencarian anda akan bermula di dalam aplikasi tersebut sebelum merentasi ke seluruh Frog VLE. 15 hasil carian pertama anda akan dipaparkan dengan nama sumber tersebut. Jika lebih daripada 15 hasil carian ditemui, butang **Show All** akan mempamerkan hasil carian selebihnya dalam ruangan **Resource Manager**.

Nota: Minimum 3 huruf perlu diisi di dalam kotak carian sebelum pencarian dapat dijalankan.

Home



Butang **Home** membawa anda kembali ke *Dashboard* anda atau *Dashboard Sekolah*. Oleh kerana butang ini sentiasa dipamerkan, anda sentiasa boleh kembali ke *Dashboard* anda dengan segera dari mana-mana ruangan VLE.

Quick Launch



Ikon **Quick Launch** memaparkan menu VLE. Di sini anda boleh meneroka semua bahagian VLE.




Nota: Aplikasi di dalam menu VLE mungkin berbeza dengan paparan, bergantung kepada peringkat akses pengguna (Pentadbir, Guru atau Pelajar).

Resource Manager




Resource Manager membolehkan anda melihat dan menyunting sebarang sumber yang boleh diakses atau dicipta sendiri. Sumber-sumber ini mungkin dalam bentuk dokumen, Sites atau Applications.



Application Tray



Dengan menekan butang **Application Tray**, aplikasi atau laman yang sedang aktif akan dipaparkan pada *Tray*. Jika anda klik pada mana-mana ikon yang terdapat pada *Tray*, anda akan dibawa ke halaman yang telah dipilih. Anda boleh menutup laman atau aplikasi yang sedang aktif dengan menekan butang **[x]**.



Notifications



Ikun **Notifications** akan memberikan petunjuk berwarna merah apabila terdapat mesej baru dalam *Events Feed* anda. Ikun ini akan menunjukkan jumlah notifikasi yang belum dibaca oleh pengguna. Ikun ini akan mempamerkan notifikasi dari **Sites**, **Calendars** dan **Assignment**.



Apabila anda klik pada satu-satu mesej dalam *Events Feed*, anda akan dibawa ke aplikasi atau laman yang menjana mesej tersebut. Notifikasi yang dihantar dari sumber yang sama, misalnya dari guru yang sama atau laman yang sama, akan dikumpulkan dalam *Events Feed*.

Nota: Notifikasi dapat dipamerkan di *Dashboard* dengan menggunakan *Notifications Widget* (seperti gambar di atas).

Quick Launch


Sekarang kita akan memaparkan ruangan utama dalam VLE. Pautan-pautan ke ruangan ini boleh didapati dalam menu **Quick Launch** pada *Frog Bar*.




Assignments




Tetangkap **Assignments** membenarkan anda memberi, menyemak, mengulas, dan berkongsi tugas yang diberi kepada para pelajar. Selepas tugas dihasilkan, ia dapat dihantar kepada individu atau kumpulan secara mudah. Tambahan pula, apabila pelajar telah menyiapkan tugas, ia dapat dihantar semula dengan cara yang sama.



Calendar



Calendar membolehkan anda mengurus semua aktiviti. Jika perlu, anda boleh berkongsi kalendar dengan guru-guru lain. Informasi tambahan boleh disertakan pada sesuatu acara/aktiviti seperti lokasi, jemputan dan nota.



Departmental Sites



Departmental Sites adalah bahagian di mana laman yang dicipta oleh setiap bidang boleh diakses. Selepas setiap bidang menghasilkan dan berkongsi laman masing-masing, barulah ia boleh diakses oleh pengguna.



My Dashboard



My Dashboard adalah halaman pertama yang anda akan temui selepas log masuk ke dalam VLE. Halaman ini boleh diubahsuai untuk memaparkan kalendar sekolah, *RSS Feeds*, atau notifikasi. Anda boleh menambah kandungan peribadi seperti gambar, video, atau pautan ke laman kegemaran anda. Gunakan *Widgets* untuk mengubah rupa dan kandungan *Dashboard* mengikut kesesuaian.




School Dashboard




School Dashboard boleh diakses dengan mengklik *Dashboard Switch* yang diletak di tengah-tengah *Frog Bar*. *Dashboard* ini memaparkan notis dan maklumat yang diurus oleh pihak sekolah. Ia juga mengandungi *MOE RSS feed* untuk memastikan anda sentiasa dimaklumkan mengenai berita pendidikan atau maklumat untuk sekolah dan guru-guru. **School Dashboard** hanya boleh diubahsuai oleh pentadbir.




Forums



Forums merupakan ruangan yang memaparkan semua forum dalam VLE. Forum perbincangan boleh diwujudkan untuk perbincangan kumpulan mengenai topik tertentu berkaitan sekolah. Setiap maklumat mempunyai tarikh yang membolehkan guru menyemak topik perbincangan dan mengetahui individu mana yang memberi sumbangan kepada topik tersebut. Pencipta forum dapat mengawal semua topik, akses dan tetapan.



Frog Store




Frog Store adalah stor dalam talian yang mengandungi aplikasi dan sumber untuk digunakan dalam VLE. Pengguna boleh mencari kandungan untuk pengajaran dan pembelajaran seperti imej dan video untuk digunakan dalam *Site*.




Terdapat 2 ruangan umum untuk anda layari. Bahagian **Apps** memaparkan aplikasi yang ada untuk anda muat turun. Ini menambahkan fungsi ke dalam VLE. Bahagian **Channels** mengandungi kandungan daripada rakan kongsi pendidikan Frog seperti *Khan Academy* atau KPM.


Sites




Sites adalah halaman-halaman yang telah dihasilkan di dalam VLE dengan menggunakan *widgets*. Laman yang dihasilkan atau dikongsi akan disenaraikan di sini. Laman yang dihasilkan untuk aktiviti kokurikulum seperti kelab dan lawatan juga akan dipaparkan di sini.




My Documents



My Documents adalah satu ruangan untuk menyimpan semua fail peribadi anda dalam VLE. Ruangan ini adalah peribadi dan tidak boleh diakses oleh pengguna lain.




Resource Manager




Resource Manager adalah aplikasi utama untuk mengakses sumber yang anda telah hasilkan atau yang telah dikongsi kepada anda. Ia membolehkan anda menyimpan, melihat, mengubah dan menghasilkan kandungan di semua bahagian VLE yang dibenarkan

Nota: Tetapan asal **Resource Manager** memaparkan fail yang terbaru yang anda telah muat naik ke VLE.



Resource Manager terbahagi kepada dua – **Personal** dan **Shared**. Bahagian **Personal** memberi anda melihat, mengedit dan mencipta sumber termasuk yang anda telah muat naik berdasarkan peringkat pengguna. Bahagian **Shared** mengandungi sumber pengajaran dan pembelajaran dan dokumen-dokumen sekolah.




School Documents



School Documents adalah tempat di mana dokumen boleh disimpan dan digunakan oleh semua warga sekolah. Ini merangkumi buku panduan guru dan pelajar, polisi atau maklumat sekolah. Dokumen boleh berformat zip, MS Word, MS Excel, PDF, video atau fail audio. (Akses adalah berdasarkan peringkat pengguna)


Pelajar akan mempunyai akses untuk membaca sementara guru mempunyai akses pentadbir untuk menambah atau memadam maklumat.



The Pond



The Pond ialah sebuah portal bagi pelajar untuk melayari ke dalam dunia Frog. Ia membolehkan pelajar menerokai idea berkaitan penggunaan Frog, mengikuti perkembangan terbaru yang berlaku di FrogAsia serta lawatan-lawatan sekolah yang telah dianjurkan oleh pasukan FrogAsia. Pelajar juga boleh menerokai video- video, artikel-artikel dan bahan-bahan pembelajaran terbaik dari serata dunia. Portal ini boleh dilayari oleh pelajar dan juga guru.



E-mail



E-mail akaun **Yes** akan dibuka secara automatik apabila anda telah log masuk ke dalam Frog. E-mel ini memudahkan komunikasi ke dunia luar.

